

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj 7/10 i 3/23) i Programa utroška sredstava planiranih Budžetom Zeničko-dobojskog kantona za 2025. godinu, u razdjelu 20 - Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, Budžeta Zeničko-dobojskog kantona za 2025. godinu, broj: 02-11-15305/25 od 14.08.2025. godine i broj: 02-11-20500/25 od 14.11.2025. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 110. sjednici, održanoj 26.12.2025. godine, d o n o s i

O D L U K U

o sufinansiranju III faze projekta „Izgradnja vodovoda Runješ u MZ Ribnica“ Grad Zavidovići

Član 1.

(Predmet)

Odobravaju se Gradu Zavidovići, novčana sredstva u iznosu od 26.178,00 KM (slovima: dvadesetšesthiljadastotinusedamdesetosam konvertibilnih maraka) za sufinansiranje III faze projekta „Izgradnja vodovoda Runješ u MZ Ribnica“, s ciljem potpore održivom povratku na području grada Zavidovića.

Član 2.

(Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24 i 12/25), razdjel 20-Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 615100, subanalitika KAD 202, pozicija Budžeta: „Sredstva za podsticaj povratka izbjeglih i raseljenih lica“.

Član 3.

(Uplata sredstava)

Odobrena sredstva će se uplatiti na transakcijski račun Grada Zavidovića, broj: 1020320000027070 otvoren kod Union banke, sa naznakom svrha uplate: „Sufinansiranje III faze projekta izgradnja vodovoda Runješ u MZ Ribnica.“

Član 4.

(Realizacija Odluke)

Za realizaciju ove odluke zadužuju se Grad Zavidovići, Ministarstvo za rad, socijalnu politiku i izbjeglice i Ministarstvo finansija, svako u okviru svojih nadležnosti.

Član 5.

(Izveštavanje)

Obavezuje se Grad Zavidovići, da Ministarstvu za rad, socijalnu politiku i izbjeglice po završetku projekta dostavi narativni i finansijski izvještaj o namjenskom utrošku odobrenih sredstava i to fiskalne račune izdate na ime izgradnje vodovoda Runješ, a najkasnije do 31.03.2026. godine.

Član 6.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona”.

Broj: 02-11-22965/25
Datum, 26.12.2025. godine
Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo za rad, socijalnu politiku i izbjeglice,
1x Ministarstvo finansija,
1x Grad Zavidovići, putem Ministarstva,
1x „Službene novine Zeničko-dobojskog kantona“,
1x a/a.